



Resposta o señor Iglesias Carrera dicindo que non teñen noticia de danos nos comercios pero que sí é certo que hai un problema que tratarán de subsanar próximamente.

O señor Pazos Couñago formula un último rogo protestando porque o Alcalde lle denegou en dúas ocasións o uso da palabra e nembargantes noutros puntos deixou falar a todo o mundo. Pide que se faga constar que o señor Pazos Docampo dixo que non coñecía idiomas estranxeiros, agás o español.

O Alcalde respóndalle que despois de votar non caben cuestións de orde e que o que deben facer e relevase no uso da palabra no seu grupo entre a voceira e él mesmo.

A concelleira señora Canal Gómez pide que conste que se lle denegou a posibilidade de ter unha copia da relación da documentación que entra polo Rexistro e que non se lles da facilidades para examinar expedientes en horario que non sexa de mañá. Lles parece que se está a dificultar a súa labor de oposición.

O Sr. Alcalde dille que non hai un concello do PP que teña tanta transparencia como o de Redondela.

Pola Presidencia dase por rematada a presente sesión, sendo as vintedúas quince horas da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 116 do Papel Timbrado da Comunidade Autónoma de Galicia, Serie A nº 1503915 ata a volta do folio núm. 123, Serie A nº 1503922, de todo o que, como Secretaria, DOU FE.-

O ALCALDE

XAIME REI BARREIRO

A SECRETARIA XERAL

ANA BEGONA MERINO GIL

**SESIÓN EXTRAORDINARIA CELEBRADA POLO PLENO DO CONCELLO O DÍA 19 -
DECEMBRO - 2007**

ORDE DO DÍA

- 1.- APROBACIÓN DA ACTA DA ÚLTIMA SESIÓN.
- 2.- NOVACIÓN DO PRÉSTAMO 1/01, DO DÍA 04.10.01.

Na Casa do Concello de Redondela, sendo as oito horas e cincuenta minutos do día dezanove de decembro de dous mil sete, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, Dª. LAURA LAGO ALLER, Dª. MARIA ALBINA REBOREDO SURIS, D. MANUEL IGLESIAS CARRERA, D. CARLOS GONZÁLEZ FERNÁNDEZ, Dª. ISABEL CASTRO PIEDRAS, Dª. FRANCISCA CANAL GÓMEZ, D. JOSÉ ALBERTO PAZOS COUÑAGO, D. MIGUEL ANGEL ALVAREZ BALLESTEROS, Dª. HERMINDA QUELLE FERNÁNDEZ, DONA. MARIA LORENA LÓPEZ RODRÍGUEZ, D. CÁNDIDO VILABOA FIGUEROA, Dª. LAURA ALONSO GÓMEZ, D. XOSÉ CARLOS PAZOS DOCAMPO, Dª. MARÍA ANXELES BABARRO FERNÁNDEZ, Dª. ROSA MARIA COSTAS ESTÉVEZ, D. ALEJANDRO BASTOS FERNÁNDEZ, tamén asistiu o Sr. Interventor Xeral do Concello D.



(Sinatura do Presidente)

Folio N.º

Serie A N.º 1503923

MODESTO Solla Sanz, actuando como Secretaria a Secretaria da Corporación DONA. ANA BEGOÑA MERINO GIL, constitúese o Pleno do Concello, en sesión extraordinaria, conforme á convocatoria e de acordo coa Orde do Día.

Non asisten, excusando a súa ausencia, os/as Sres./as Concelleiros/as: D. JUAN TIZÓN CABALEIRO e D. BENIGNO GARCÍA-LUENGO MONTERO.

INCIDENCIAS.-

Con carácter previo no tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a trata-los puntos da Orde do Día.-

1.- APROBACIÓN DA ACTA DA SESIÓN ANTERIOR.-

Non se formulan observacións, e o Pleno do Concello, en votación ordinaria e por unanimidade dos/as seus membros presentes, sendo dezanove votos a favor (8 do PSdeG-PSOE, 7 do PP, 3 do BNG, e 1 do PG), acorda prestar aprobación ao acta da sesión celebrada con carácter ordinario o día 28 de novembro de 2007.-

2.- NOVACIÓN DO PRÉSTAMO 1/01, DO DÍA 04.10.01.-

ANTECEDENTES.-

Dictame da Comisión informativa de Facenda e Patrimonio de data 17 de decembro de 2007, que transcrito dí:

"Vista a proposta da Alcaldía, de data 13 de decembro que transcrita di:

"Considerando preciso contar no orzamento do Concello de Redondela para ano 2007 con crédito dispoñíbel para subvencionar con 60.000,00 euros á "Asociación centro cultural e deportivo de Cidadelle".

Tendo en conta que o día 04.10.01 o Concello de Redondela asinou co "Banco Español de Crédito, S.A., Banesto" o préstamo 1/01 por importe de 727.224,65 euros dos que 300.506,05 estaban destinados a "Expropiacións zona industrial (partida 07721RI68000 procedente dun remanente incorporado, minorado en 29.935,00 euros destinados a "Vehículo motobomba por acordo plenario do día 28.10.07) que non será preciso utilizar no ano 2007 pola contía incorporada.

Esta Alcaldía proponlle ao Concello Pleno adopción dos seguintes acordos:

"Primeiro:

Novar parcialmente o préstamo 1/01 asinado o día 04.10.01 con "Banesto", cambiando parcialmente o seu destino da seguinte forma:

Destino actual	Euros	Novo destino	Euros
Expropiacións zona industrial.....	270.571,05	Subvención á Asociación centro cultural e deportivo de Cidadelle para construción centro social.....	60.000,00

Segundo.-

Comunicar a "Banesto" a novación do préstamo 1/01.

Terceiro.-

Modificar parcialmente o expediente administrativo 6/07 mediante incorporación de remanentes de crédito por importe de 1.707.810,30 euros cambiando parcialmente a contía e o destino do remanente de 270.571,05 euros consonte ao indicado o apartado primeiro".

Votación e dictame:

A Comisión informativa de facenda e patrimonio, co voto favorable dos Sres. Concelleiros do Grupo Municipal do PsdeG-PSOE (4), do BNG (2), a abstención do Grupo Municipal do PP (4), e do Grupo Municipal PG (1) dictaminou favorablemente a proposta da Alcaldía antes transcrita.-"

Informe do Sr. Interventor Xeral do Concello de data 17.12.07, Rf.- T 178/07.

INTERVENCIÓNS.-

O concelleiro señor Bastos Fernández dí que está a favor da proposta.

A concelleira señora Canal Gómez anuncia que o seu grupo vaise a abster porque aínda que están de acordo coa finalidade a tramitación se fixo de xeito chapuceiro e tal e como informa o interventor no expediente, non é legalmente posible financiar unha transferencia de capital cun préstamo.

O concelleiro señor Pazos Docampo dí que apoian a proposta.

O concelleiro señor González Iglesias dí que á vista da postura do PP está pensando metelo no orzamento de 2008 dado que cumprirían os compromisos adquiridos con la entidade de Cidadelles que eran a dous anos. Sinala que non entende ao PP que coñece de primeira man a situación financeira da entidade, que se trata dun terreno municipal e que se o PP non vota a favor e se absten, iso indica que non están a favor da subvención. Tamén dí que lles digan cal é a condición que poñen para votar a favor.

A concelleira señora Canal Gómez dí que non é que non queiran colaborar coa entidade dado que outra administración xa lles outorgou unha subvención para a mesma finalidade en tempo e forma. Indica que non están dispostos a saltarse as formalidades legalmente exisibles e pretenden que as cousas se fagan ben con independencia de que son conscientes de que merecen a subvención.

O concelleiro señor González Iglesias dí que xa lle deron as grazas á Deputación Provincial pola subvención pero que ese organismo non se distingue precisamente por da-las subvencións de xeito obxectivo e fundamentado. Dí novamente que se o PP está de acordo debe indicar o que teñen que facer para votar a favor e se non o fan é que están en desacordo. Suliña que no Concello de Redondela non se mira a cor dos solicitantes para da-las subvencións.

VOTACIÓN E ACORDO.-

Sometido o asunto a votación, o Pleno do Concello, en votación ordinaria e por maioría dos/as seus membros presentes, sendo doce votos a favor (8 do PSdeG-PSOE, 3 do BNG, e 1 do PG), e sete abstencións (7 do PP), adoptou os seguintes acordos:

Primeiro.- Resolver os reparos formulados polo Sr. Interventor Xeral do Concello, no seu informe de data 17.12.07, Rf.- T 178/07.